

796—799 honorificavit me', dicit Deus per prophetam, 'illic iter est, quo ostendam illi salutare Dei'. Sit humilitas in corde et in corpore; sit patientia in moribus et verbis; sit servus Domini fervens in mente; sit pax in ore et in corde caritas; et semper suavia verba misceantur^a durioribus, quia facilius durum cor penetrant mollia verba quam amara. Sit discretio, quid cui conveniat tempori, personae, aetati et operi. Sit lectio crebra, et ieiunia sobria et convivia modesta^b et honor hospitum et ordinatio pauperum et cura familiae et diligentia in populo.

Quid agam et quid est quod scribo? nisi quia caritas tacere nescit et quoddam refrigerium cordis est verbis proferre in quo mens inflammatur¹. Et scio te rusticitatem meam² patienter ferre et familiaritatis litterolas non abhorrescere. Ideo non erubesco prius dicta rescribere et iterare quae ante direxi. Etsi inmemor sim, quid prius scribserim, non tamen inmemor sum caritatis aeternae.

Nunc velim te properare in patriam³ et ordinare puerorum lectiones, quis grammatice discat, quis epistolas et parvos libellos legat, quis sanctam scribaturam sobria mente haurire dignus sit. Tu vero, sancte pater, evangelicis maxime studeas lectionibus et canonicis sanctorum scribaturarum inservire eruditionibus, quia tibi decet meditatio divinae legis, ut dicatur de te: 'In lege Domini meditabitur die ac nocte', ut fructus tuus vigeat in aeternum, et omnia quaecumque facias prosperata tibi sint ad salutem. Et mei memor valet, sanctissime pater.

162.

Alcvinus Angilberto abbati Centulensi, iussu Caroli imperatoris sciscitanti respondet de genere vocabuli 'rubus' et de his verbi formis 'despicere' et 'dispicere'. 796—799.

Codd. T fol. 46—48 (T fol. 42—43)^a.*

Edd. Q 27, F 23, J 252. — Migne col. 181.

FLACCUS ALBINUS FLAVI HOMERI OBSTAT SALUTEM^b.

Miror, cur Flaccinae pigritiae socordiam septiplicis sapientiae decus, dulcissimus meus David, interrogare voluisset de quaestionibus palatinis; emeritaeque nomen militiae⁴ in castra revocare pugnantia, ut tumultuosas militum mentes sedaret; dum saecularis litteraturae libri et ecclesiasticae soliditatis sapientia, sicut iustum est, apud vos inveniuntur, in quibus ad omnia, quae quaeruntur, verae inveniri possunt responsiones.

Hanc tamen duarum partium orationis discretionem, prout potui, consideravi. Currrens per priorum^c exempla doctorum inveni illos quoque in his partibus sibi dissentire. Idcirco visum est mihi in vos mittere huius examinis^d auctoritatem, dum cognoscatis illorum sententias vel in constructione partium vel in regularum^e proprietate.

Prima interrogatio fuit de rubo, cuius esset generis? De quo nomine diversa invenimus exempla. Legitur enim in metro, quod in eptatheco⁵ conscribitur, huiusmodi versus:

'In quo conspicua flammaram lampade cernit,
Procurvam fulgere rubum neque ignibus uri'.

^a) miscentur S. ^b) modestia S.

162. ^a) Lemma: Epistola Albini ad Homerum T*. ^b) om. T. ^c) priorem corr. in priorum T.

^d) examicis T. ^e) regularum T.

1) Cf. p. 220 ep. 139. 2) Cf. supra p. 32 n. 2; 233. 234. 3) Cf. ad hunc locum Sickel *Alcuin-studien* l. l. p. 484 n. 3, cui dubitanter assentior. 4) Haec verba satis indicant epistolam hanc ad posteriores Alcvinos annos pertinere, in quibus palatium iam reliquerat. 5) heptateucho (qui pentateuchum et Iosue et iudices comprehendit). Cf. Cypriani Galli *Exodus* v. 129. 130, ed. Peiper p. 61.